



Tilleggsinnkalling

Utval:	Formannskap
Møtestad:	Møterommet
Dato:	29.09.2025
Tid:	Kl. 09:00

Representantar med lovleg forfall eller som er ugilde i nokon av sakene, må snarast råd melde frå på telefon 57 78 62 00 eller e-post post@solund.kommune.no slik at vararepresentantar kan kallast inn.

Vararepresentantar til formannskapet møter etter nærare innkalling.

Saksdokumenta ligg til ettersyn i ekspedisjonen på kommunehuset

Sakliste

Sak nr.	Sakstittel	
065/25	Ekspressbåtstopp i Hardbakkeområdet – val av lokasjon	
066/25	Skriv og melding	

Solund kommune

25.09.2025

Gunn Åmdal Mongstad
-ordfører-



Saksframlegg

Arkiv: K2-N31
ArkivsakID: 25/788
JournalpostID: 25/2970
Sakshandsamar: Kjartan Nyhammer
Dato: 18.09.2025

Saksnr. utval	Utval	Møtedato
065/25	Formannskap	29.09.2025
	Kommunestyre	

Ekspressbåtstopp i Hardbakkeområdet – val av lokasjon

Kommunedirektøren sitt framlegg til vedtak:

Solund kommunestyre bed om at det vert gjort ei utgreiing for å finne best eigna plass for ekspressbåtstopp på Hardbakke. Ein bed om at følgjande områder vert nærare vurdert :

- Indre hamn på Hardbakke
- Valen
- Næringsareal N20 i Steinsund.

Det vert elles synt til saksutgreiinga.

Aktuelle lover, forskrifter, avtalar m.m.:

|

Kva saka gjeld:

Arbeidet med å flytta ekspressbåtstoppet frå Krakhella til Hardbakke er forankra i kommuneplanen sin samfunnsdel (2019-2030). Det er omtalt både under punkt 4.10 *Betre samferdsle og infrastruktur* – «Legge til rette for ekspressbåstogg for hovudbåten på Hardbakke ved å regulere hamn og farlei» og under punkt 2.2 *Ny bru, ny skule og aktivt sentrum* er det eit punkt 3 som heiter *Sentrumsutvikling – Områderegulering av sentrum på Hardbakke*. Her er også ekspressbåtstopp på Hardbakke nemnd – «Regulering av området på Hardbakke skal legge til rette for auka aktivitet i Solund kommune. Planarbeidet er i gang og skal mellom anna sikre framtidig hamn for ekspressbåt,.....»

I prosjektet Bygdevekst er delmål 1 at ein skal etablere og vidareutvikle hamnesentrum med tettstadfunksjonalitet. Det er oppretta ei prosjektgruppe for kvart delmål. Det er viktig å få ei

tidleg avklaring på plassering av ekspressbåtstoppen. Dette vil vere ein premissleverandør for arbeidet med områdeplan for hamnesentrum på Hardbakke.

Saksutgreiing:

Det er tidlegare gjort og tenkt ein del rundt lokaliseringa av ekspressbåtstopp på Hardbakke. I eksisterande kommuneplan sin arealdel er det avsett område for kai på Teigeneset. Dette kom inn i arealplanen som vart vedteken i 2010.

Oktober 2022 inviterte Solund kommune 5 sjømenn, med lang erfaring med å føre snøggbåtar og/eller lokalkunnskap, til ei synfaring for å sei si meining om 4 ulike alternativ for ekspressbåtstopp kring Hardbakke. Steinsund, Valen, indre hamn og Teigeneset. I tillegg gav dei uttale til behovet for mudring og merking i innløpet mellom brua i Steinsund og indre hamn. Det vart gjort vurderingar av kvar lokalitet knytt til vêr/vind, tryggleik generelt, tidsbruk og anløpstilhøve og moglegheit for tilleggsfunksjonar.

I 2023 gjorde Asplan Viak eit moglegheitstudie for ekspressbåtstopp i indre hamn. Det vart utarbeida skisser og eit notat.

Det er dels utført djupnemålingar og det er bestilt fleire djupnemålingar i Indre hamn og Valen.

For at ekspressbåtstoppet skal kunne flyttast frå Krakhella til Hardbakkeområdet så krevst det omfattande mudring i området frå brua i Steinsund og fram til og med Litlesundholmen. Det er Kystverket som er byggherre på slike prosjektet og som prioriterer utifrå sine løyvingar. Solund kommune har gjeve innspel til Kystverket om behovet for å få dette gjort og påpeika samfunnsnytte og politiske vedtak, på fylkesplan og kommunalt, som støttar oppunder prosjektet. Kostnad, prioritet og tidslinje for naudsynt mudring er framleis uklart og dermed også tidslinja for etableringa av ekspressbåtstoppet i Hardbakkeområdet.

Vurdering:

Sjølv om tidslinja for mudring indre Steinsund og dermed ekspressbåt til Hardbakke er uklar er det like fullt viktig å få avklart eit framtidig ekspressbåtstopp før ein startar arbeidet med ein reguleringsplan for hamna på Hardbakke. Dette vil vere ein premissleverandør for kaianlegg, omfang av offentleg kommunikasjon, parkering, terminalbygg, småbåtplassar, gjestehamn osv.

Kommunedirektøren ynskjer å få nærare utgreidd 3 av dei 4 alternativa som vart vurdert oktober 2022. Teigeneset ser ein ikkje grunnlag for å gå vidare med sidan det vert særst dyrt å opparbeide tilkomst, kaianlegg og nødvendige fasilitetar. Det er svært bratt i området og det vil krevje store inngrep i sjø og/ eller på land avhengig av valt løysing..

Følgjande punkt må utgreiast på kvar lokasjon :

- Økonomi
 - Investeringsbehovet. Bruke eksisterande bygningsmasse og infrastruktur.
- Effektivitet
 - Reisetid for innbyggjarane og besøkande sett i lys av kor folk bur mm.
 - Korleis sikre smidige overgangar mellom ulike typar kollektivtransport.
- Tryggleik
 - tilhøva for båt, mannskap og reisande inkludert trafikktryggleik på land.
- Inngrep i natur/landskap.
 - Inngrep i urørt natur.
 - Korleis vert landskapet påverka av naudsynte tiltak
- Miljø og nærmiljø
 - Vannjetmotoren si påverking på botntilhøve og grunn under kaiar.
 - Omfanget av bilbruk.
 - Bumiljø/trivsel med tanke på støy, trafikk, bygging.
 - Leik/bading/padling.
- Tilleggseffektar
 - Styrka eksisterande funksjonar.

I bestillinga til konsulent bed ein om enkle skisser for plassering av snøgggbåtkai og naudsynte funksjonar som kaiplass for lokalbåtar, snuplass for buss, terminalbygg (venterom og toalett) og parkering. Ein ynskjer ei tilråding til val av lokasjon basert på punkta ovanfor (eventuelt mindre korrigeringar). Vidare ynskjer ein at rapport med tilråding og skisser vert presentert av konsulent i ope møte der folk kan koma med tilbakemeldingar.



Saksframlegg

Arkiv: K1-033
ArkivsakID: 25/790
JournalpostID: 25/3034
Sakshandsamar: ACOS Møtebruker (må ikke deaktiveres/slettes)
Dato: 25.09.2025

Saksnr. utval	Utval	Møtedato
066/25	Formannskap	29.09.2025

Skriv og melding

Kommunedirektøren sitt framlegg til vedtak:

Meldingane vert tekne til vitende slik dei ligg føre.

Underliggende sak:

Saksnummer	Tittel
1	Ynskjer informasjon om status og framdrift på gangveg Sildevika - Steinsund

Solund Kommune v/formannskapet

Hei

Viser til vedtak 021/21 i kommunestyremøte 10.06.2021 der det vart vedtatt å jobbe med å realisere gangveg/sti mellom Sildevika og Steinsund.

På vegne av Solund Arbeiderparti ynskjer vi informasjon om kva som er status i saka pr dags dato og kva som er vidare framdriftsplan.

Vi meine att gangvegen må leggst langs dagens veg.

Dette tiltaket har fleire positive effektar:

- Tryggare for fotgjengarar
- Bidreg til at folk i større grad går/syklar
- Meir oversiktleg for bilistar.
- Legg til rette for framtidig husbygging vestover.

Dette er ei viktig sak, å vi håper att dette kan prioriterast i tida framover.

Andreas F Gåsvær

Solund AP